



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fragstuck Des Christlichen Glaubens/ an die neuwe
Sectische Predigkandten**

Hay, John

Freyburg in der Eydgnoschaft, 1587

VD16 H 844

Die 187. Frag.

urn:nbn:de:hbz:466:1-32773

chen haben wir kein gerechtigkeit in vns auch nicht von Gott sonder Gott halt vns allein für gerecht: Also auch werd vns kein gnad noch wirkung durch die Sacrament Christi dargereicht / gleichsampt als weren sie nicht krefftiger dann die Sacrament Moysi / gleichsampt als were die overtreitung Adams grosser dann Christi ynsers Erlösers verdienst: vnd volgends darzu kompt / das der eweren etliche auch an Christi mit Gott dem Vatter gleicher Gottheit ansahen zu zweyffeln: Zwar wann der Bapst solches vnderstünde / müß er euch ohn alle zweyffel der Antechrist selbs seyn.

Die 187. Frag.

Was ist die Ursach / daß jekunde die Gnadenreichen Sacramenten vernichtet / geschendt vnd mit Füssen getreten werden / dann ewter neuw vncchristlich Euangelium / daß so verachtlich darvon lehret.

Die 188. Frag.

Sie vralten Christen haben Kirchen auffgericht / vñ Gotts häuser gebauwen / alda Gott zu dienen / wie kans dann recht seyn / daß ihr sie jekundt verwüstet vnd abbrechet?

Die 189. Frag.

Dvn alten Zeiten / wie noch bey vns / versamblete sich ein Christliche Gemeyn / Morgendts vnd Abends in die Kirch / dienete da Gott dem Himmelischen Vatter mit Andacht / Gebett / Lobgesang vnd Gottseliger Betrachtung / jekundt durch ewere Lehr stehet das Haus Gottes verlassen / od vnd lehr / wie ein halb versallne Scheür. Lehrt dañ eñch solchs das wort Gottes?

Die 190. Frag.

Sie Propheten haben gelehrt / die Warheit des waren Glaubens bleibe vnd erstrecke sich von einem Geschlechte in das ander / Psalm. 118. Wie kans dann Göttlich seyn / daß ihr lehret den alten Christlichen Glauben zuverlassen / vnd der Heiligen Vätern Lehr zuverdammten? gleich als hette die warheit Gottes gesäßt / vnd ein zeitlang zugrund gefahren wäre: so

E ii doch